

SARS e tsepamisa maikutlo hodima batho ka bomong ba ruileng le hodima thepa e mose

Tshwane, 24 Hlakola 2021 - Ditshebeletso tsa Lekgetho tsa Afrika Borwa (SARS) di ikemiseditse ho phethahatsa maikemisetso a yona a mawala a ho laola lekgetho le mokgwatshebetso wa bolaodi ba meedi ho itshetlehilwe hodima boikobelo ba tefo ya lekgetho ka boithaopi. Re kgolwa hore bongata ba balefalekgetho bo batla ho phethahatsa boitlamo ba bona ba molao ba tefo ya lekgetho ka boithaopo. Tabeng ena, SARS e fana ka tlhakisetsa le netefaletso ho balefalekgetho ho phethahatsa boitlamo bona le ho sebetsa ka thata le ho ba nolofaletsa ho etsa ditransekshene le mokgatlo. Ka tsela e tshwanang, SARS e tla thafalletsa le ho etsa hore ditjeo e be tse hodimo bakeng sa balefalekgetho ba sa ikobeleng tefo ya lekgetho.

Hore SARS e kgone ho tswela pele ho fana ka tshebeletso e thellang le e tobileng mekgahlelo e fapaneng ya balefalekgetho, re theha yuniti e ka thoko e tlang ho tsepamisa maikutlo ho balefalekgetho ka bonngwe ba bona ba ruileng le ba nang le ditlhophiso tse tshopodi tsa ditjhelete. Yuniti ena, e tlang ho tsejwa e le *High Wealth Individual Taxpayer Segment* (HWI) e tla qala pele e le mane ho *Large Business & International Taxpayer Segment* (LB&I).

Yuniti ena e tla tsepamisa maikutlo ho balefalekgetho ka bonngwe ba bona ba ruileng le ba nang le ditlhophiso tse tshopodi tsa ditjhelete. Re tla fana ka tshebeletso e fapafapaneng, ho tshwana feela le ka moo re etsang ka teng mefuteng e meng ya lekgetho le ho batho bana ba ruileng haholo, bao leruo lena ba le fumanang ho tswa mehloding e fapafapaneng ntle le moputso mme ba bileng ba sebedisang ditlhophiso tse tshopodi tsa ditjhelete, tseo hangata e leng tsa mose. Re kgolwa hore ditlankana tsa thepa le dikoloto tsa bona hangata di bolela tse ngata mabapi le merero ya bona ya ditjhelete ho feta ditlankana tsa bona tse mabapi le lekeno.

SARS e leetong la ho kgothaletsa tlwaelo ya boikobelo ba tefo ya lekgetho ka boithaopo. Ka lebaka la seo, re ntse re behile leihlo haholoholo ho balefalekgetho ba sa talolang thepa tsa bona tse mose ka sepheo sa ho ntlafatsa tefo ya lekgetho. Jwalo ka ba bang ba pele ba ho ananela mokgwa wa matjhaba wa karolelano ya lesedi o bitswang *Automatic Exchange of Financial Account Information*, SARS e na le lesedi le mabapi le thepa ena e mose ya balefalekgetho ba Afrika Borwa, eo e nngwe ya yona e bonahalang e sa tsebahatswa. Lesedi leo re nang le lona le bontsha hore ho na le ho se ikobele tefo ya lekgetho palong e itseng balefalekgetho bana.

Ka 2016/17, balefalekgetho ba ile ba fuwa monyetla wa ho lokisa merero ya bona ya lekgetho le ho jara boikarabelo ba thepa tsa bona tse mose ka tsela ya Lenaneo le Ikgethang la Tshenolo ya Tsohle ka Boithapo (SVDP). Balefalekgetho ba bile ba fumana monyetla wa ho etsa jwalo ka tsela ya Lenaneo le ntseng le tswela pele la Tshenolo ya Tsohle ka Boithaopi (VDP) tlasa Molao wa Taolo ya Lekgetho, 2011. Ba bang ba balefalekgetho ba ile ba sebedisa monyetla ona. Le ha ho le jwalo, ho sa natswe monyetla ona wa hore ba lokise merero ya bona ya lekgetho, ba bang ba balefalekgetho bana ba ikgethetse ho se etse jwalo. Lesedi leo SARS e le fumaneng le tswa mabatoweng a 87 ho phatlalla le lefatshe, lona le totobatsa thepa e mose ya balefalekgetho bana ba Mafrikaborwa. Re ikemiseditse ho lekola lesedi lena ka hloko mme re le odite, ebang ho hlokeha.

Molemong wa taolo e seng leeme le e sebetsang ka ho phethahala ya mokgwatshebetso ona, SARS e tla ngolla balefalekgetho bana ba amehang ho kopa lesedi la bona le mabapi le thepa tsa bona tse mose. Kopo ena ke ya tse amehang bakeng sa ho hlahlojwa ha tse ka bakang kotsi mme sena ha se letshwao la ho qala ha motjha wa oditi le ha sena se ka nna se etsahala kamoso.

Balefalekgetho ba batlang ho lokisa merero ya bona ya lekgetho ba ntse ba kgona ho etsa jwalo ka lenaneo le ntseng le tswela pele la VDP, le fanang ka dipehelo tse ntle bakeng sa hlahlobo (ho tse mabapi le bokaalo ba dikotlo). Kahoo SARS e kgothaletsa balefalekgetho ba sa talolang thepa tsa bona ho nka monyetla ona wa motjha wa VDP. Balefalekgetho ba hopotswa hore ho hloleha ho etsa jwalo ho ka nna ha ba bakela hore ba nkelwe mehato ya taolo kapa le ya bonokwane.

Ho na le aterese ya imeile e leng, HWI@sars.gov.za eo sepheo ka yona e leng ho arabela dipotso tsa balefalekgetho ba amehang le ho tla ka tsela e tsepameng. Balefalekgetho ba amehang ba lakatsang ho sebedisa lenaneo le ntse le tswela pele la VDP mmoho le balefalekgetho bao ho sa kang ha ikopanngwa le bona, ba ka ikopanya le Yuniti ya VDP ka kotloloho ho VDP@sars.gov.za.

KE PHETHO